

# ს ი ა ნ გ ი

თბილისი  
გამომცემლობა

## ქოცაღოური ომის „გმირები“

4/4  
1943 წ. აპრილი  
5  
48



**მუსოლინი (იტალია)**  
ამდემ ტანჯვას კი მერჩო  
საწამლავე დაშელო.  
მიტლერი მთხოვს ახალ ჯარებს,  
მე კი ხალხი დაშელო.




**იტალია**


ტოტალური ომის აცხადებს  
რაზმავს მოხუცებს, კუთვებს,  
ფიქრობს მით გაიხანგრძლივებს  
თავის დაღუპვის წუთებსა.



**ანტონესკუ (არგენტინა)**  
მიტლერს მივუც რაც გამაჩნდა,  
ის კი იხვე ითხოვს შეტს.  
ფეხზე წადა აღარა მაქვს,  
დაუნატრულდი ნავთის წვეთსა.



**მანერაიი (ფინლანდია)**  
აღარავინ ხლარ დამჩნა, —  
ზოგი ტუვეა, ზოგიც მკვდარი.  
სხვი გზა არ მაქვს უნდა, მიტლერს  
მივაწოდო ბავშვთა ჯარი.



**სოსტრი (უნგრეთი)**

საბოლოოდ გავიფიცვენი,  
არც რამ დამჩნა ტომარაში.  
შემჩნა ერთი ინვალიდი —  
ივცემ, მაგრამ არღებთ რაში?



**პაველიი (ბორეცია)**  
ვაი რა გენა, მე საწყალმა,  
მუდამ განსაცდელში ვარ და  
კვლავ ჯარს მთხოვენ, თუმც არვინ მეებს  
მიხრწნილ მოხუცების გარდა.



**კვისლინგი (ნორვეგია)**

გერმანელთა შიში მატობს,  
მოიქცნეულურად ვუყრავ ტაშსა.  
იქნებ ამცდეს მათი ჩიხხვა,  
გავუგზავნი ამ ფეშქაშსა.



**ლაშალი (საფრანგეთი)**

რამ მიქვია მე ხინდისი,  
ან ნამუსი, ანუ ერისი?  
მუშებს ყმებათ გავუგზავნი  
რაკი ბრძანებს ფიურერო.



# აღვასებუდი

გერმანიაში აღმინისტრაციულ სასჯელს ადებენ იმ მოქალაქეებს, რომელნიც შენიშნული იქნებიან პესიმისტობაში.

უჩინარად, უსიხარულოდ ცხოვრობს ბერლინის განაპირა უბანში კურც მახერის ოჯახი. თვითონ კურცი, მოზუტი კაცია, ხელობით დალაქი. ეს პროფესია მამამისმა გვარის მიხედვით ამოურჩია. მასაც, მამისაგან მიეღო, მამას-პაპისაგან და ასე მთელ მის შთამომავლობას მაქრატლის წკაპუნსა და სამართებლის ფრაქუნში გაუტარებია სიცოცხლე.

წინათ მზიარული ხელოსანი იყო კურცი, ხელი მარჯვე ჰქონდა, საუბარი მიმზიდველი იცოდა სულ ხუმრობდა, იცინოდა, სახლშიც და სახელოსნოშიც ხალისი შეჰქონდა.

ახლა ასე აღარ არის. მას შემდეგ, რაც კურცს პირველი შვილი ხარკოვთან მოუკლეს, იგი მეღანქო-ლიამ შეიპყრო, როცა მისი მეორე შვილი რევეთან მოკლეს — კურცმა სახელოსნო დაკეტა, ხოლო როცა ცნობა მიიღო, რომ სტალინგრადად მის უკანასკნელ შვილსაც კეფა გაუხვრიტა საბჭოთა სნაიპერის ტყვიამ — კურც მახერს ცალი მხარე დაუდამბლავდა და მისი სახლი გლოვამ მოიცვა.

გარეთ არ გამოდიოდა კურცი. ერზაცების რიგებში მეზობლებს ზგავნიდა, თვითონ კუთხეში იჯდა და კითხულობდა:

— ღმერთო მალე, რისთვის?

— ფიურერისთვის, — მიუგებდა ხოლმე შვილიშვილი, პატარა ჰანსი, რომელსაც საბავშვო ბანაკში თუ-იყუწვიოდა ასწავლიდნენ ყველაფერში „ფიურერის“ სახელის მიტმასნებას.

კურც მახერს ეშინოდა ბავშვთან არაფერი წამოეცდნო — „ფიურერის“ შესახებ, მაგრამ მაინც ველარ იკავებდა ჰიტლერის გავრცელებულ მოწოდებებს და მრავალმნიშვნელოვანად წაილაპარაკებდა:

— ფიურერი, ფიურერი, ოჰს!

პატარა ჰანსს ეს არ გამოეპარა, მან საბავშვო ბანაკში გაიმეორა ბაბუას მიმია და თან დასძინა, რომ ბაბუა ასე გაბრაზების დროს შვრებაო. მეორე დღეს მისი კარი დააკაკუნეს, როცა კურც მახერმა კარი გაა-ლო, სახლში ორი გესტაპოელი შევიდა.

— შენ ხარ კურც მახერი?

— დიახ, მე ვარ, ესე იგი, მე გახლავართ პატივცემულო ბატონებო, გთხოვთ... და მან სკამებზე მიუთითა.

— ნებართვას არავინ გკითხავს ყბედო, — შენ ის გვითხარი, როგორ უყურებ ფიურერის მთავარ-სარდლობას?

კურცს გააჟრჟოლა, არ იცოდა როგორ დაეგებინა ფრაზა, რომ გესტაპოელებისათვის მოსაწონი აზრი გამოეთქვა.

— მე... მე აღტაცებული ვარ, მისი ღვთაებრივი ტალანტით....

— კარგი, ახლა ეს გვითხარი, ჩვენს შინაურ მდგომარეობას როგორ უცქერ, მაგალითად ბახარს, პროდუქტების ხარისხს, ფასებს და ასე შემდეგ.

— მე... მე აღტაცებული ვარ, — მიუგო კურცმა ყალბი ხმით და ნაძალადევი ღმილით, — ასე გასინ-ჯეთ, გუშინ ჩინებული ნახერხის შნიცელი მოგცეს, სულ რაღაც ოთხმოც მარკად, მართალია, ოთხმოცი მარკა ერთი თვის ხელფასია, მაგრამ...

გესტაპოელმა შეუბღვრა.

— კურც მახერ, შენს ხმაში სიყალბე სჩანს, ეს კი იმას ნიშნავს, რომ შესაძლოა პესიმისტი იყო. იცო-დეს, ასეთი ანტისახელმწიფოებრივი ქმედობა სასტიკად ისჯება.

— გეფიცებით, პირიქით აღტაცებული ვარ... ორი დღეა არაფერი მიჭამია და მაინც ჩემი აღტაცება უსახლეოა. გუშინ საბნები და ქვაბები წაგვართვეს გადასახადში და...

— მე რე? — მრისხანედ შეეკითხა გესტაპოელი.

— მე რე? აკი მოგახსენეთ რომ აღტაცებული ვარ მეთქი.

ამ სიტყვებმა გესტაპოელები მოთაფლა.

— ჰო, ასე კურც მახერ, იცოდეს, რომ აღტაცება და ოპტიმიზმი უნდა გამოხატო ყოველთვის და ყვე-ლაფერში, ხომ გესმის?

— მესმის ბატონებო, აღტაცებული ვარ...

— აი ის გერცხლის სათუთუნე, თაროზე რომ დაგდია, მე დიდად მომწონს და მიმაქვს შენგან სახ-სოვრად, ხომ გესმის? — ამ სიტყვებზე გესტაპოელი წამოდგა და სათუთუნე ჯიბეში იკრა. კურც მახერს თვალთ დაუბნელდა, მუხლი მოეკვია, ხმა აუჟანკალდა. უკანასკნელ შემონახულ ნივთს სტაცებდნენ, ნივთს, რომლითაც ლუკმა უნდა შეეძინა, ერზაცები და სურთგატები უნდა ეშოვა. მაგრამ მას სავალდებულო აღტა-ცება უნდა გამოეთქვა, რადგან სახელმწიფო ოპტიმიზმის წარმომადგენლები უსხდნენ სახლში.

— დიახ, დიახ... მე აღტაცებული ვარ, ფრიად აღფრთოვანებული... ჩაბღვნილი ხრინვით წარმოსთქვა კურც მახერმა, როცა გესტაპოელები წასასვლელად წამოდგნენ.

— კურც მახერ, თქვენთან უწყებაა, ჯარიმის უწყება, დაიძახა ეზოში შემოსულმა პოლიციელმა.


— მე... მე აღტაცებული... მექანიკურად წარმოსთქვა, მაგრამ სიტყვა აღარ დაუმთავრებია, მუხლი

მოეჭრა და კარებში ჩაიკეცა.

ზაკსადანი

## ჩვენს შვებუში

ნახ. ს. ნადარეიშვილისა



— ამხანაგო პოლკოვნიკო, მოწინავე ხაზიდან გვაცნობეს, რომ რუმინელები ტყვედ გვგზნებდნენ,

— რამდენია?

— რუმინელები?

— არა, მათი დივიზიები.

## სიხარის ჩაპოკისმეზები

ჰიტლერმა, საბჭოთა კავშირის დანა-კარგების შესახებ შეთხზული ქორებით დაჩრდილა გებელსის ქორებიც.

ნახ. მ. ვაღბოლსკისა



ცრუპენტელა აპალონა „პიედესტალს“ ჰვლობდა ლხენით. მსოფლიოში ყველა იცნობს იმას მოლაქლაქე ენით. მაგრამ ისიც კი დაჩრდილა „ფიურერმა“ ახალ ქორით. კვარცხლბეკიდან აპალონა გადააგდო გორი-გორით.

## საჩუქარი

(მ ი ბ ა ძ ვ ა)

ლამეები არ მეძინა ვათნებდი მე თუთრად. ქისას ვესოვდი წვრილი მძივით, დამთავრება სწრაფ მეწადა. დევამთავრე, ვინც კი ნახა მომიწონა, ყველამ აქო. გავხსენი და შივ ჩავყარე არჩეული მე თამბაქო. ავსწიე და გავუგზავნე, უცნობ მეგრძოლს, თანაც ვსწვრი: „ვაჟაკებო, თქვენთანა ვართ, სამშობლოსთვის გვიძვერს მკერდი! ვისაც გერგოს ჩემი ქისა, ეს გახსოვდეს უნდა მარად, რომ მე იგი დავამზადე მამაც გმირის საჩუქარად!“ თან დავურთე პასუხისთვის ჩემი მოკლე მისამართი და უცნობზე ვიწყე ფიქრი, და უცნობზე ვიწყე დარდი. დიდხანს ვსწუხდი რომ პასუხი ვერ მივიღე მე იქიდან. მაგრამ გუშინ მომხარეს: — „ბარათია ნალჩიკიდან!“ გავხსენი და წავიკითხე: — „დიდ მადლობას გწირავთ, ნატა! მე მხვდა თქვენი მძივის ქისა, მან მხნეობა მომიმატა. და თქვენს ფეშქაშს საჩუქარი მოჰყვა კიდეც სასურველი, მე ორდენი მომცეს ჯილდოდ, თქვენ გქონიათ კარგი ხელი!“ ქვეშ ეწერა მისი გვარი და საველე მისამართი... და უცნობზე ვიწყე ფიქრი და უცნობზე ვიწყე დარდი.

მ. გრიგალიძე



# გაგადის მონოლოგი

(რუსულიდან)

გერმანიის მთავარსარდლობის განცხადებაში ნათქვამია: „რუსეთის ჯარმა რამდენიმე მოიპოვა წარმატებანი, თუმცა უნდა ითქვას, რომ რუსები აწარმოებენ ოპერაციებს გერმანიის მთავარსარდლობის მიერ გათვალისწინებულ გეგმის თანახმად“.

გაზეთებიდან.

უკან ვიხევთ და გავრბივართ, მაინც არ ვშიშობთ მითა, არა უშავს, გვცემონ ოლონდ, გვცემონ ჩვენი გეგმითა.

ჩვენი ფრონტი მოძრავია, მიტომ, უკან ჩვენ ვიხევთ, ერთ აღვიღებ მიწა ვტყეპნოთ, როცა ახალს არ ვიღებთ?

არც ისე გვაქვს ცუდით საქმე, როცა გვცხებენ ჩვენ მაგრად—ჩვენი გეგმით რომ ეს ხდება, არ იციან მათ ალბათ.

ჩვენ ვიყავით სტალინგრადის სანახავად, მერე რა? თუმცა განზრახვა კარგი გვქონდა, გვაქეიფა, გვემღერა,

მარა ჩვენი რა ბრალია, არ მიგვიღეს სტუმრებად, სტალინგრადში მაინც დარჩა ჩვენი ჯარი უკლებლად.

არც ისე გვაქვს ცუდით საქმე, როცა გვცემენ, გავრბივართ, დე, იცოდენ ყველამ, რომ ჩვენ ერთ აღვიღას არ ვყრივართ.

ჩვენი ჯარის მძორებითა მოიფინა ევროპა

და ველეები უკრაინის.

მაინც ჩვენ არ გვეყოფა

ჩვენი სივრცე, —ის ცოტაა, — ჯარიც მიტომ გვიწყდება, თუ ვერ ვიღებთ ახალ მიწებს—თვით ვიქცევით მიწებად...

ყ—რა

## აუცილებელი აუთოქება

უდიდეს აფეთქებას ჰქონდა ადგილი ნეაპოლში. აფეთქდა საომარი მასალის საწყობი.

ნახ. ღონისა



— გაიგე, რა საშინელ აფეთქებას ჰქონდა ადგილი ჩვენს ქალაქში? აფეთქეს საომარი მასალის საწყობი.

— დიახ, გავიგე. ეგ რა უნდა იყოს. მოსალოდნელია უფრო დიდი აფეთქება. უნდა აფეთქდეს მინისტრების „საწყობი“—მუხომლინის კაბინეტად წოდებული.

# მეათე რაიონი

ხშირია შემთხვევა, როდესაც იტალიელი ჯარისკაცები თავის ნებით გადმოდიან ჩვენს მხარეზე.

გაზეთებიდან  
ნიკოლოსი

ნახ. ა. კანდელაკისა



— ჩინებული მავთულხლართი გაგაკეთეთ, ბატონო პოლკოვნიკო! აქ მაინც ვერ შემოვლენ წითელარმიელები.

— ეს მეორეხარისხოვანი ამბავია, ისე უნდა გააკეთო, რომ ჩვენმა ჯარისკაცებმა ვერ მოახერხონ გაძრომა წითლების მხარეზე.

## რაჭილი და ჩაჭილი

(ს ც ე ნ ა)

დივიზიის შტაბი. შემოყავთ გერმანელი ტყვეები. ერთერთი მათგანი შეჰყავთ ლეიტენანტ სიდორენკოსთან დასაკითხავად.

სიდორენკო (ტყვეს)—თქვენი სახელი და გვარი?

ტყვე—პაულ კინე!

სიდორენკო—თქვენი პროფესია?

ტყვე—ლიტერატურის პროფესორი. (თაგუნდურად სიდორენკოსკენ) ახლა თქვენ მიპასუხეთ: თქვენი გვარი, სახელი და პროფესია?

სიდორენკო—ლიტერატურის პროფესორი, პაულ კინე! ალბათ მოგეხსენებათ, რომ თქვენ ამჟამად ტყვედ იმყოფებით, მე კი არ ვყოფილვარ, არც ვარ და არც ვფიქრობ ვიყო თქვენი ტყვე, გესმით?

ტყვე—დიახ, მესმის!

სიდორენკო—ამიტომ მე უფლება მაქვს არ გიპასუხოთ თქვენს კითხვაზე, თქვენ კი ვალდებული ხართ მიპასუხოთ, მიუხედავად ამისა, მე მაინც გავაცნობთ ჩემს თავს. ჩემი გვარი და სახელი თქვენთვის არაა საინტერესო. რაც შეეხება ჩემს პროფესიას, ამჟამად, როგორც ხედავთ, სამხედრო პირი ვარ, ლეიტენანტი გახლავართ, ორდენოსანი, ვიყავი დაჭრილი თქვენი ტყვეისაგან. ძირითადი ჩემი პროფესია იყო ზეინკლობა, შემდეგ ლიტერატურის ფაკულტეტის სტუდენტი გახლდით.

ტყვე (კინიკურად)—მაშ, ჩემი სტუდენტი იქნებოდით, რომ...

სიდორენკო—ვევოვ, თქვენი სტუდენტი რომ ვყოფილიყავი. კმარა, ჩვენი საუბარი სხვანაირად უნდა წარიმართოს. უნდა შევთანხმდეთ იმაში, რომ თქვენ ტყვე ბრძანდებით და ყოველგვარ ჩემს შეკითხვაზე ზუსტი პასუხი უნდა მომცეთ. გასაგებია?

ტყვე—დიახ, გავიგე.

სიდორენკო—ბატონო პროფესორო, პაულ კინე, თქვენ ალბად კარგად გეცოდინებათ ლევ ტოლსტოი?

ტყვე—როგორ არა. ლევ ტოლსტოი, თქვენი კომპოზიტორია, მისი მუსიკა ძალიან მომწონს. იგი გარდაიცვალა მეთვრამეტე საუკუნეში. ბერლინში რამდენჯერ მსმენია წინად მისი ოპერები.

სიდორენკო—ოჰო, ბატონო პროფესორო, თქვენ მართლა კარგად გეცოდნიათ ჩვენი ლიტერატურა და ხელოვნება. თქვენ ალბათ წაკითხული გექნებათ ჩაიკოვსკის ნაწარმოებები?

ტყვე—დიახ, ჩაიკოვსკი რუსი დიდი მწერალია, სხვათაშორის მისი პატარა საბავშვო წიგნი ვნახე ჩვენს მიერ განადგურებულ ერთერთ ბიბლიოთეკის წიგნებში. მგონი საბავშვო მწერალი უნდა იყოს, ჩუ...ჩუ...ნოვსკი, ჩა...ჩაიკოვსკი.

სიდორენკო—ჩინებულია, თქვენ ალბათ მალე აკადემიკოსიც იქნებოდით, რომ...

ტყვე—დიახ, ვიქნებოდი და ვიქნები კიდევ!

სიდორენკო—საქმე იმაშია, პატივცემულო პროფესორო, რომ თქვენი მომავალი მხოლოდ თქვენზე არაა დამოკიდებული, რაც შეეხება თქვენს ცოდნას ლიტერატურის დარგში,—მიუხედავად ამისა, რომ თქვენ პროფესორი ბრძანდებით და მე კი სტუდენტი, უნდა დაგისვით ნიშანი, რომელიც კვერცხსა გავს. გაიგე?

ტყვე—ვერა, ვერ გავიგე. კვერცხებს უკრაინაში ყოველდღე მივირთმევდი, კვერცხის მსგავსი ნიშანი კი ჩემთვის გაუგებარია.

სიდორენკო—დიდიხანია რაც მოიპოვეთ პროფესორის წოდება?


ტყვე—დიდი ფიურერის ხელისუფლების დამყარებისთანავე მომანიჭეს, პიმლერის შუამდგომლობით.

სანდრო



2. 2535604





საიუმორილო თარიღები

## ბლოკირებულ გარნიზონში

ნახ. ა. კანევსკისა



— რატომ სცემს შამკე გრუბერს?  
— იმიტომ, რომ მათ შორის შავმა კატამ გაირბინა და გრუბერმა—მოასწრო მისი დაკვლა.

## ზოოლოგიურ პარკში

ფიურერის „მოკავშირე“ ერთერთ ქვეყანაში გერმანელი ოფიცერი ადგილობრივ მკვიდრ ქალს დაუმეგობრდა. ერთ დღეს „მეგობრები“ ზოოლოგიურ პარკში შევიდნენ. მხეცებს ათვალთვლებდნენ პარკი გერმანელი ჯარისკაცებით იყო ავსებული. მათგან გაღიზიანებული დაქანცულ და დამშეულ მხეცებს ემჩნეოდათ: ძველებურად აღარ გაღმუოდნენ. ზოგიერთ მნახველს ეს მხეცთა მშვიდობიანობის ნიშნად მიაჩნდა.

— ხედავ ლომს, როგორ მინაბულა?—წარმოსთქვა ქალმა.  
— ვეფხვიც მშვიდად არის!—შენიშნა ოფიცერი. ამ დროს მათთან გალიის წინ გერმანელი ჯარისკაცებიც მოჯარდნენ.  
— მეოთხედ მოვლივარ ამ პარკში და მაგათი ხმა არ გამიგონია, მშვიდობიანი მხეცებია.—გაავრძელა ქალმა საუბარი.  
— მართლ?! გეტყობათ თქვენ, გულადი ყოფილხართ,—შენიშნა გერმანელმა ოფიცერმა.  
— რა მოგახსენოთ!—უთხრა ქალმა.  
— მაინც რა მოხდება, რომ ეს მხეცები გალიიდან გამოუშვან? შეეკითხა მას გერმანელი ოფიცერი.  
ქალმა გალიის წინ მიჯარებულ გერმანელ ჯარისკაცებს ზიზღით თვალი შეავლო და წარმოსთქვა:  
— მაშინ ყველა მხეცები ამ შენობაში—გარეთ აღმოჩნდებიან.

მ-ვა

(შემოკლებით)

ავტორისაგან: დოკუმენტი, რომელსაც ქვევით ვხედავთ, აღმოჩენილია ერთერთ ფრონტზე განადგურებულ გერმანულ შტაბის ქაღალდებში. დოკუმენტი წარმოადგენს დაუსრულებელ ხელნაწერს მისი ავტორია შტაბის გადამწერი ერის გაბენიხტი, ბერლინის ვეტერინალურ მეცნიერებათა და უმაღლეს რასიულობის აკადემიის დოცენტი, ჰიტლერული პარტიის წევრი 1931 წლიდან.

### 1. წინასიტყვაობის მაგიერ

უკანასკნელმა ამბებმა გამოამჟღავნეს არსებითი დეფექტი გერმანიის სამხედრო მეცნიერებაში. გერმანელ გენერლების მასობრივად ტყვედ ჩაგარდნა სრულიად მოულოდნელი იყო, რადგანაც წითელ არმიასთან ომის დაწყებამდე ასეთ მოვლენას გერმანიის არმიაში ადგილი არ ჰქონია. ამიტომაც ამ საქმეში არ არსებობდა სათანადო გამოცდილება. უნდა ითქვას, გერმანელ გენერლების ბითუმად ჩაბარება ტყვეებად, ეს ის ახალი მიღწევაა, რომელიც წითელმა არმიამ გერმანიის სამხედრო მეცნიერებაში შეიტანა.

### 2. როდის უნდა ხვდებოდეს ტყვედ ჩაბარება?

ტყვედ ჩაბარებისათვის შესაფერ დროის შერჩევას უდიდესი მნიშვნელობა აქვს. თუ გერმანელი გენერალი დროზე ადრე ჩაბარდა ტყვედ, შეიძლება იგი მოლაპატედ იქნას მიჩნეული, მაგრამ არც გვიან ჩაბარება სამჯობისი, რადგანაც შესაძლოა მიცვალებულთა სიაში მოხვდეს და ჰიტლერულ გმირად ჩაირიცხოს.

შესაფერ მომენტად უნდა იქნას მიჩნეული, როცა წითელი არმიის მეთაური წინადადებას აძლევს მას კაპიტულაციისათვის, გერმანელმა გენერალმა უეჭველად კაპიტულაცია უნდა უარუოს, მაგრამ იმავე დროს ემზადოს ტყვედ ჩაბარებისათვის.

### 3. მზადება ტყვედ ჩასაბარებლად.

ტყვედ ჩაბარებისათვის მზადება გერმანელმა გენერალმა უნდა აწარმოოს მოფიქრებით, ამისათვის საჭირო იქნება:

ა) წინასწარ გადაგზავნოს გერმანიაში, ეგრეთწოდებული რუხეთში „ორგანიზებული“ ძვირფასი ნივთები, როგორიცაა ძვირფასეულობა, ავეჯი, თეთრეული, ტანსაცმელი და სხ.

ბ) უნდა მოსპოს საბჭოთა კავშირში ჩადენილ გმირობის ყოველგვარი ნიშანი, როგორიცაა ფოტოგრაფული სურათები სახრჩობელებისა, რომელზედაც კიდია დამხრჩვალ მოქალაქენი, სურათები ცოცხლად დამწვარ ტყვეებისა, გაუპატიურებული ქალებისა და სხვა.

### 4. ტყვედ ჩაბარება

ტყვედ ჩაბარების დროს არ შეიძლება აღელვების გამოხატვა და მაღლობის გამოცხადება იმ წითელ არმიელებისათვის, რომლებმაც გერმანელი გენერალი ტყვედ ჩაიგდეს. გერმანელმა გენერალმა უნდა იცოდეს, რომ ის სიხარული, რომელიც შეიძლება გამოამჟღავნოს რიგითი ჯარისკაცი ტყვედ ჩაგარდნის დროს, გერმანული არმიის გენერლისათვის დაუშვებელია. მეორეს მხრივ არც ის შეიძლება, რომ მისი სახე მწუხარებას გამოხატავდეს და გაიძახოდეს „და-მაკავეთ, მინდა თავი მოვიკლა და სხვა“.

### 5. ტყვედ გაყოლა

არავითარ შემთხვევაში არ შეიძლება ქუჩის მოძრაობისა და ტრამვაში ჩაჯდომის წესების დარღვევა. აკრძალულია ერთმანეთისათვის ხელის კვრა და ტყვედ ჩაგარდნა უნდა ხდებოდეს „ჩინის“ მიხედვით, პირველად უნდა ჩაბარდეს ტყვედ ფელდმარშალი—გენერალი.


### 6. ტყვედ ყოფნის დროს

ტყვედ ყოფნის დროს გერმანელი გენერალი ვალდებულია იცოდეს, რომ გერმანელისათვის წესიერება არის პირველი და უწყობილესი მოვალეობა. ღირსების დაკარგვის შემდეგ გერმანელმა გენერალმა უნდა სუფთად იქონიოს კბილები და ფრჩხილები, ტყვე გერმანელმა გენერალმა უეჭველად უნდა იქონიოს ხელში ცხვირსახოცი, ვინაიდან შესაძლოა შეხვდეს გერმანელი ჯარისკაცი და სახეში შეაფურთხოს მას. იგი მაშინვე გაშლის ცხვირსახოცს და...

აქ თავდება ხელნაწერი.

გერმანულიდან თარგმნილია დ. ზასლავსკის მიერ.





ჰორაციო—ხედავ ჰამლეტ, რას დაემსგავსა ეს ოდესლაც  
ხალხთა საკრებულო?!  
ჰამლეტი—ეს ჰორაციო, ახლა კი საბოლოოდ დავრწმუნდი,  
რომ ჩვენი დანია ნამდვილი საპყრობილეა!

## კადრის მოსმით

ჰიტლერი გამარჯვებებს დაეძებს იაფ ფასად.  
ფაშისტ ურჩხულთა ზარალს ამცირებს ერთი ასად.  
წითელ ჯარს „ანადგურებს“ კალამის ერთი გაკვრით,  
ათობით დივიზიებს „სპობს“ ხელზე ხელის დაკვრით  
და ამ ბოლო დროს თითქმის მოკლა ბებერი ჯიხვი,  
ეთერში გააფრინა ფრთამოტეხილი იხვი.  
ვასალებს უთხრა: ბრიყვო, აღარ შემხედოთ მტრულად,  
დახეთ საბჭოთა ჯარი გავაცამტვერე სრულად.  
დონის და დნებრის შორის არ დარჩა ერთი კაცი,  
აბა თქვენ იცით რამდენს ჯარს მომაწოდებთ აწი.  
მაგრამ ისმება კითხვა: თუ მოსპო ჩვენი ჯარი,  
რად ჰკრებს ის ახალ ბანდებს, რაღა საჭირო არი?

ლ. კნელაძე

## ე ღ ვ ა

### მადლოვის გამოცხადება

კომი. მუსოლინიმა ამას წინად თავის ბრძანებაში შეაქო იტალიის მერვე არ-  
მია, რომელიც, მისი სიტყვით, ამჟამად გმირულად იბრძვის საბჭოთა კავშირის  
ფრონტზე. ამასთან დაკავშირებით მერვე არმიის ჯარისკაცების მიერ ღუგუშაში-  
ილო სამადლობელი დეპეშა, რომელიც გაუგზავნილია... საიქიოდან.

### „მოდის ტურფა გაზაფხული“

ვაშინგტონი. აქ მიღებული ცნობების მიხედვით გერმანიის შპიონაჟის  
მომსახურე ჩიტები საჭიროა აღარ თვლიან ბალახ-ბუთუნის ძებნას, რადგან მათ  
უკვე გამოაჩვენა შპიონაჟის მზამზარეული ბუდეები ესპანეთის საელჩოების შენო-  
ბების სახით.

### გაიხსენას პარტიზანები

ბერლინი. გუშინ ბერლინის პროტესტანტთა ტაძარში გადახდილ იქნა პანა-  
შედი იმ გერმანელ ჯარისკაცთა სულის შესანდობელად, რომლებიც სხვა სამ-  
ხედრო ეშალონებთან ერთად უკრაინაში გაიგზავნენ.

## ჰკისის სიზმარი

ფრიცმა სიზმარში იხილა,  
რაც ცხადში ენატრებოდა:  
ძალი დავკლა მსუქანი,  
სწავადა და სუნით ტკბებოდა.

მშვიდი ჰანსი გვერდს უჯდა  
— „მაკამე!“ — ეხვეწებოდა.  
მას ერთი ძვალი გადუგდო  
ხტოდა, ცერებზე დგებოდა.

მწვადი შეიწვა. რა მწვადი—  
ფრიც შევქმას ეპირებოდა...  
ამ დროს... ზღაპარის წესითა  
ფრიცს უნდა გაჰლვებოდა,

მაგრამ ვაგლახ მას ეს ბედი  
მას უკვე აღარ რგებია...  
საბჭოთა ნაღმმა იქექა,  
მას აღარ გაჰლვებოდა.

მურმანი

## შაიკები

დაუკარ ჩემო ჩონგურო,  
შაირი მსურს ვთქვო.  
ჰიტლერებს გულში ტყვია  
და კბილებში ქვო.

ალმა კოდალი ვისროლე,  
ქვევით მოწინწილობდაო,  
„ფიურერი“ ჩვენს ჩაყლაპვას  
რაზანია ცდილობდაო,  
მაგრამ ყელში გავენიერეთ,  
აგერ კიდევ იზრჩობაო.  
ვაიკაცებო, მაგრად დავცხოთ,  
ახლა გვინდა ბიჭობაო.


მუსოლინიმა დამზადა  
მაკარონი, ვერმიშელი,  
ჰიტლერს უთხრა: მე ეს ვიცი,  
ბრძოლებში კი ვერ გიშველი.  
ვერც რუსეთში დავგებარე,  
ვერც ტუნისში დავდგებო,   
მართალს ვამბობ, ჩვენი საქმე  
არის ამის თავდებო.

ი. ზეგნელი

## გენაცვლება

იტალიის ბევრ ნაფთსადგურში რეკვიზირებულია სათევზაო ნაგები,  
საბუქსირო გემები და სხვა მცირე ზომის ნაგები.

ნახ. დონისა



— გამარჯობა ძმობილო! როგორ მოეწევე ახალ ბინაზე?  
— არა მიშავს ჩემო კარგო, კრეისერის კაპიტანის კაბინეტში  
ვართ.

— მე კი მისი მოადგილის კაბინეტი დავიკავე. სამაგიეროდ ხომ  
ხედავთ როგორ არხეინად მოწყობილა კაპიტანი ჩვენს ყოფილ  
ნავში.





— რატომ არის რომ ჩვენი ლეიტენანტი უკან რჩება და ჩვენ კი შეთევვაზე გვამოგვით?  
— იმიტომ, რომ უკანდახევის დროს წინ იქნება.

### გადააჭარბეს

ჩინგის ყაენის და ბათოს შემოსევა მართალია, ბარბაროსული იყო, მაგრამ მაინც არ ატარებდა ისეთ და ხელოვნებულ მხედრულ ტაქტიკას, როგორც ტოტალურიზმი, რომლებსაც გერმანელები ქადაგებენ და ეწევიან.

ნახ. მ. ვაღბოლსკისა



ჩინგის ყაენი (ბათოს)—აი მესმის ნამდვილი მხედრობა, —მე და შენ მტრედებად მოგჩანვართ მ: გასთან.

### უკონგის იუმორი

ტრანსპორტის საკითხი

— რატომ ასე ბრაზობენ ერთმანეთზე ხორტი და ანტონესკუ?  
— არაფერია! იმათ რალაც წერილმანი უთანხმოება აქვთ ტრანსპორტის საკითხის გამო.  
— ესე იგი?  
— ხორტის უნდა უნაგირი შეადგას ანტონესკუს, ანტონესკუს თავის მხრით განზრახვა აქვს აღვირი ამოსდოს ხორტის.

(„მებრძოლი დროშა“)

მძიმე დანაკლისი

— ბატონო ობგრა-ლეიტენანტო! ფელდფეხელი ჰანს კვაკერი დაზვერვის დროს ჩავარდა ტყვედ.  
— დიდად მეწყინა, დიდად!  
— ჰო, კარგი ჯარისკაცი იყო!  
— არა, მე ამაზე არ ვამბობ: მასთან ერთად ტყვედ ჩავარდნილა ჩვენს გუნდში არსებული ერთადერთი თბილი შარვალი.

(„სტალინელი“)

შენიღვრა გერმანულად

— ბატონო გენერალო, ჩემი ჯარისკაცები სიმშვილესაგან აჩრდილებს და ემსგავსნენ.  
— ჩინებულა! ეს მათ საშუალებას მისცემთ უკეთ დაემალონ მოწინააღმდეგეებს ზეობებში.

(„სამშობლოს გმირი“)

უწუგეო მდგომარეობა

— არ იცით, ფრაუ პუმე, რამ მოჰკლა ბატონი შტრუბელბუბელ?  
— როგორ არა: ის მოიწამლა ერზაცპროდუქტებით!  
— მაგრამ მას ხომ აქიმობდნენ! მას აძლევდნენ წამლებს!  
— აი სწოვით იმ ერზაცწამლებმა მოუღეს ბოლო.

(„მამულის სადიდებლად“)

სარედაქციო კოლეგია.

თბილისი. სატირიკო-იუმორისტული ჟურნალი „ნიანგი“. რედაქციის მისამართი: ლენინის ქ. № 28. ტელ. 3-10-49

ხელმოწერილია დასაბეჭდად 1943 წ. 26/IV. აშ. ლ. პ. ბერიას სახ. პოლიგრაფიკობინატი „კომუნისტი“, ლენინის ქ. № 28. გამოც. № 15 შეგ. № 375 ჟგ 0360